



Eyenga ya mbotama : Nzambe akobyanga biso



© Pixabay/Alexasfoto

Bobele tango abotami, mwana wa Nzambe oyo alali o elielo ya bibwele akobenda bato ba bola na bato ba mayele. Yambo mpenza, bakengeli ba mpata bayokaki mbela ya ye, na monoko mwa banzelu, mpe bapoti mbango o Beteleme, bamilobel : « Tokende kotala makambo nini mazali koleka kuna ». Sima banganga ya mayele, bango mpe lokola, bayoki mbela wana. Awa bamoni monzoto o likolo, bakeyi mbango mpe bamilobel : « Tokende kokumisa mokonzi wa bayuda ».

Na mikolo miye tozali kosepela eyenga ya Mbotama, bakengeli ya mpata mpe banganga ya mayele bazali o kati ya « ndako ya mwana abotami » (crèches) miye mizali o bandako Nzambe ba biso lokola o bandako ba biso meyi. Kasi bazali bango moko te. Uto kala, tokomonoko bango elongo na bato basusu. Baye bakobenga na lopoto les santons. Bango bazali bana na bakolo, bilenge na bampaka, baye balongani na baye balongani te, baye bazali na nzoto kolongonu na baye bazali na bokono, mpe bongo na bongo. Atako bakeseni, bango bango bayoki bobele mbela yoko : « Totondo Nzambe botondi mpo ya mbotama ya Mwana waye ».

Awa ko bato bana bano, babali, basi na bilenge, bakozonga o mboka bango, mitema mya bango mitondi na nsayi zambi bomoi bwa bango bokumisaki Nzambe tango inso. Bongo, bakomilobel a tango

inso'te bomoyi bwa bango bozalaki lokola eyano ya mbela ya Nzambe. Engebene na bango, mpe na lisalisi ya Elimo Santu, totika'te baloba ma Kristu batuta mitema mya biso. Mpamba te, Kristu akosenge biso'te toyamba ye mpe tosakola bokasi bwa ye na bolobi'te : solo Mwana wa Nzambe akomi moto !

Mpo'te mabota manso mpe ba palwasi ya biso bayoka mbela ena, epusi malamu'te biso bango tokende kotala Mwana abotami, lokola bakengeli ba mpata mpe banganga ya mayele basalaki. Bongo, toyamba bango bolingo ndelo te ya Nzambe wa biso, boye bokomonono na botawu bwa mwana alali o elielo ya bibwele. Tosenge ye, na boyambi mpe na elikya, apesa biso ngrasya mpe esengo ya koyoka mbela ya ye, ntina'te tosakola bolingi bwa ye, boye bokopesaka biso bomoi.

**Na bango,
na mabota ma bino mpe na masanga ma bino,
natombeli eyenga elamu ya mbotama.**

† Pascal Delannoy

Episkopo ya Saint-Denis na France
Eyenga ya mbotama 2019